


地815  
959  
部三



戊午大梁旅行記

雨蒼題簽

侯君保三好游而能詩所述旅行日記多綴以古近詩歌詞旨豐蔚為海內所傳誦  
歲戊午予任河南教育廳事務而君調查地方教育至大梁君之盡瘁於教育事業  
也歷年久成績最著大江以南婦孺能道之值汴省有縣視學講習所之設予因以  
講席相邀既得請都人士翕然凡所講演剖析理解發揮至誠如君之所為詩狀物  
抒懷吐納山川之氣入人之深而相感於不覺也予惟教育之至旨以陶冶意志為  
先而智識上之教授次之大地生物各具有天然之理性而實以吾人之意志為之  
主宰觸之而發為詩歌引之而演為教育其趣一而已矣然則君之游君之詩又無  
所適而不為教育也予讀君之汴梁河洛旅行記書此貽之且以詒從君游與讀君  
之詩者民國七年五月章壽堃誌

吾昔道江浙嘗聞無錫侯保三先生雄於文且毀家興學舉凡年年游歷所得辛苦  
而僅有之者無一不納於學之中斯世之異人也亟欲一覩其人而莫之遂去冬余  
適承乏河南縣視學講習所而保三亦承中央命來襄教事風雨過從圍棋歌詩相

汴梁旅行記

得也月既匝出其游梁筆記相示讀之再三信乎其詞之能也夫人從從一身以殉  
當務之急至毀其身家而不顧自非英雄豪傑而不能若夫文字之工特其末焉耳  
迺者聞將西之秦隴獨行荒漠萬里外仍謀募資興學也惜乎吾力不足以助之於  
其行也不能無介於懷耳戊午春桐城王光篤書於大梁寄廬

抗懷古賢哲著述重當時論史胸如鏡現書眼似箕梁園飛麗藻嵩嶽發清詩我昔  
傾名聞相期事亦奇 江浙多豪俠名高國士風毀家興教育吐氣貫霓虹晚世利  
爭逐前賢事已空誰能標異幟不與近人同 百歲已過半霜華兩鬢侵崎嶇南北  
路上下古今心野鳥迎空谷山花笑遠林何時銷俗累策馬步高岑 才得親角丈  
相違路轉遙君探秦塞月我權皖江潮寂寂歌蘆荻行行折柳條不堪風雨夜萬里  
夢魂勞 桐城齊氏敬題

戊午汴梁旅行記

大梁為古帝王都。雄據中州。北枕黃流。昂然四顧。十年以來。文物進化之階序。應有蒸蒸日上之勢。足資吾攷鏡之囊橐者。在憶昔已酉之夏。嘗游大梁。登古吹臺。宋宮鐵塔。俯仰河山。蒼蒼茫茫。揮灑豪吟。幾徧信陵亭畔。二曹祠前。屈指九載。彼邦之教育。如何樸誠渾厚之民俗。猶依然耶。事變情遷。抑有所改革而藉資探討耶。此吾於是披風雨而渡江。流過芒碭。而踏寒雪。經灤海。跌輟而直趨汴京。挾破書數冊。偕大梁士大夫有所周旋。惟自顧貌躬。犧牲社會二十年。足跡徧十三行省。而重過夷門。殊多寂寥之概。矧孤吟客。子梅花。孰譜知音。行脚荒僧。布衲誰參。上乘所幸。後凋之節。大造渺茫。反已猶其有自信者。是以此行所抱之三日的一。為競志募集基金。一為個人攷察教育定况。一為公家附託調查。紹介講演。豫計往返兩星期。為時雖促。不可以無誌。爰作戊午汴梁旅行記。時民國七年二月十五日。無錫病驥老人保三侯鴻鑑記於灤海鐵轍中。

戊午汴梁旅行記

二月十三日(即戊午正月三日)由錫起程。夜宿江口旅館。十四日大風雨。渡江氣候甚暖。乘津浦車。夜十二時抵徐州。車中遇故人馮君。敬兄閱報載時局變幻。和戰兩無進步。讀張季老致李督電。岑西林致馮總統電。為之慨然。遇常熟胡夏修太史。益炳同寓旅館。結伴赴開封。十五日雨雪天微明。上隴海車。行百六十里。至碭山中。經車站四。曰郝寨。曰楊樓。曰黃口。曰李莊。天寒甚。車箱破損。窗戶洞開。風聲怒號。雪花亂撲。飲熱茶一杯。食蛋飯一盤。枯坐久之。兩足欲僵。墨花盡凍。此時客况為昨日風雨渡江時所不及。料者過碭山後。經車站四。曰楊集。曰劉堤園。曰馬牧集。曰商邱。即歸德府也。車站雖成約三里。此間與南陽河南三府。昔頗以盜匪淵藪著。防範之道不得法。居民强悍性成。然頗迷信神佛。自火車開行後。人民聚觀者眾。今日適有鄉民朝山進香者。老少數百人。背負各色小旗幟。蜂擁車前。圍觀如堵。為警察驅擊不散。旗形多三角。有五色。有龍旗。於此亦聊以覘風俗焉。

車至商邱雪止詢之商邱乘車之客知此間未雨雪僅一日夜狂風大作耳傳車半小時此為開徐鐵道之中心點也。在車中遇武安龍泉村武某綢緞商也言及武安教育狀況所得如下。一武安城區有高小學一初小學十二女學一高小生徒約百餘人初小生徒平均每校三十人女學生徒二十餘人。二龍泉村居民六百餘戶初小學二女學一初小教員每校二人主任俸百五十串助教百串女學教員一人本村婦人之粗識舊書者教女蒙童識字則有餘。欲求新知識則不足。三鄉董武倫俊每年需籌教育費凡百串除收學費約百串地畝捐四百串外所缺四百串則由武董籌墊武氏男女生徒約二十人在學校如武董者年墊四百串之學費為族中子女上學計亦良得也。武某又言河南之綢其著者有二一產開封為家蠶絲所織一產魯山為野蠶絲所織開封綢細潔而價昂魯山綢較粗而價低廉。在車中見軍人不購車票取茶壺而牛飲飲盡站上月台擊槍之軍警凍縮倚壁手持食物縮頸而食一種惡狀態令人見之可歎。過歸德則廣東湖北四川東三省之銀幣均不用所

用者站人銀元及北洋造銀元袁世凱銀元而江南銀元尚可用惟稍減價耳至於鈔票則每一銀元兌錢一千七百文左右每錢票一百文購物則照用換錢則值銅元七十或八十文者中銅元日見其少官錢局所出之豫泉票最失信用而官廳強迫民間用之亦僅限於省城一隅而外縣猶未能通行也。過商邱則小壩柳河李壩集野雞岡內黃蘭封羅王興隆等八站其第九站則開封至矣。既至汴入南關訪徐氏編冊表姊於學院門街九年不見以處境不佳形容蒼老多矣。所幸蘭因表姪女畢業於河南女師範任高小學教員東屏表姪畢業於工業染織任教養局小學教員牛東徽新聊供菽水恂恂佳子女足為表姊晚境慰。表姪婦頓敬勤勞一家融融可嘉也是晚宿旅館屈指計行程自浦口開車十一小時至徐州投宿五小時黎明車至開封十一小時計二十七小時道中風雨冰雪陰晴倏忽寒暖遞遷客况艱難為作長歌以述之十六日訪河南教育廳章孝方廳長適病假由黃琢章王子立兩科長招待黃君導引參觀縣視學講習所王所長詳授視學綱要舒君純生詳授

新教育學既而借王所長商榷講演事擬先在本星期中講演教育每日四時題為大梁講演錄分前後兩編為教育行政注為實際教育之一後編為學校行政注為實際教育之二共計約須七十二小時可畢是日遷居蘊珊表姐處暢談家鄉舊事晚訪張君聘卿及燕孫表姪婿而大表姪女知余來亦亦來表姐處久談而去二表姪女任女師範小學教科股股以教授法質問余為略講新教育思潮之趨勢及小學教法之段階訓練之概略東屏表姪亦同聽之並贈以余之近著及雜誌等訪胡夏修遇吳江吳斯十履聞其談詩及言趙周人督軍之為人純厚儉約又聞有畢太史王進士與吳君倡和詩有荒原塞月下飢鷹之警句王作也畢為督署參議王為省署諮議云

十七日編大梁講演錄借燕孫參現省立圖書館又往宋園在龍亭前徘徊久之往書店街訪何季良君於商務書館問何君言河南教育以沁陽魯山鞏縣學校較多成績亦較優云天津李君芹香到講習所余是日下午移居講習所即在公立專

戊午汴梁旅行記

門法政學校中借芹香苑生于立暢談教育接唐際虞來函訪蔡子平不遇有同鄉華燕庭來訪

十八日上午講演所中聽講員為河南全省一百八邑之縣視學人曾經完全師範畢業並任教務三年以上者具此三種資格由各縣知事保送來省聽講共三百數十人分兩教室教授之下午往二曹祠參現圖書館及博物院陳列處館中趙庶務怡瑗導引閱覽一週計館中藏書約三千餘種多經史子集叢書而新詩殊少有齊魏隋唐宋碑四十七種均嵌於十賢祠中金石碑版愛護保存可嘉也連日間陝亂甚熾接表現瀾次長函勸余陝行從緩子平由清化來汴招余至南中華午餐席間晤同鄉華燕庭張秉葵等晚即訪燕庭於財政廳致用科代女師範校長閻君春臺來談參現閻封國民小學一晚編講演錄

十九日上午講演下午借芹香參現女子師範學校晤閻代校長及趙庶務導引周視校舍此為信陵君祠所改屋宇寬敞後堂信陵祠中木主有朱亥侯生附祀蒙養

院位置頗有池館。花木之勝。蓮池仙館。為女教員豫備室。有三角式之高閣。一上聳二三丈。閣前有柏一株。森然挺立。頗入繪意。退至校長室。見上年配置授課表。配置有疑問處。詢之閻君。知本年正在研究改進之時。云。返講習所。編講演錄。是晚閻君招余偕舒李王黃等。晚餐於南中華。此間食品。以黃河鯉為美品。其肉肥而嫩。凡筵宴無不用鯉者。價頗昂。每尾約長尺上下者。須銀一兩云。黃河距開封城十八里

二十日。上午講演。下午訪華燕庭及袁沁川兩君。陸君介梅來。贈余教育月刊一冊。查河南省教育費七十餘萬。省校三十五所。師五女師一中十二。專門實業九。法一。高工一。國民五。女國民一。教育幼稚。研究心不免缺乏。此冊亦鳳毛麟角矣。晚編講演錄。

二十一日。上午講演。下午省立第一師郭校長來談。知一師經費七萬四千元。學生四百二十五人。分二部。講習科。本科。預科。附小學等。此次教育行政會議。郭校長之提議案。有師範生應實習及組織批評會等之議。頗有見到處。潢川中學校鄭校

長四師王校長均來談。藉知兩校概況。法政校長胡味笙先生來談。余每出外。見風沙彌目。空氣乾燥。天時寒冷。河水枯涸。覺此間居住。頗不合於衛生。偕同人談及。均謂開封亦半年未雨。久旱之餘。望霖甚切。民間飲料。均藉鑿井而飲。富家及衙署。乃雇人往黃河邊汲水。運入城內。以供食用。然為費甚大也。連日講演。聽講者頗知感動。雖口舌疲勞。所幸聽者尚能注意。惟以余之欲南旋也。聽講員推代表挽留。因告以未了之講演。俟諸兩星期後。再來講演可也。是晚覃校長來談。邀余偕舒李二君晚餐。談教育近況。

二十二日。上午講演。下午聽講員推代表。欲定明日停講。為余送行。堅謝之。於是有人縣視學如李永燾。劉鴻焜。佟士楷等。均來談話。余亦藉以考察各縣教育概況。如王光星。崔震。史常秀。嚴劉繩。武劉士傑等。均來談話。並詢教育辦理方法等。余一一答之。余因聽者之慇懃也。將篋中帶來關於教育之書籍雜誌等十數種。留置教室中。借給聽講員傳閱之。余向圖書館詢購金石料帖四十七種。價須四千二百文。又

以帶來書籍四種送圖書館調換書目一部及碑帖數種聞陳留有蔡邕所寫四經  
卧碑字迹尚可辨認惟碑已不完全他日有便當設法榻之也 晚編請演錄遷居  
徐宅

二十三日晨東裝就道東屏送余至車站表姊贈余禮物數種并帶贈叔方方表兄  
之禮物數種 是晨乘車由汴至徐天將晚停車有小竊忽來携余手提皮匣欲遁  
為余所見乃大聲呼之遂擲而去噫道路不靖小竊橫行可慨也

晚宿徐州逆旅主人言近日兵車絡繹南北客車每日停止下午一次蓋長沙方面  
戰事甚烈也夜過半店夥呼客起收拾行裝上津浦車殘月西送薄寒四侵曙光東  
逼襟被東行俯仰身世不禁飄零之感

二十四日蠟縮車中忍飢一日晚至浦口渡江已遲因檢查甚嚴且繁故備浙江傳  
君同寓江口旅館晚間將行篋中此次在汴所得之碑帖檢視玩索約舉如左  
金碑一其餘均字跡不識既非篆滿之文又非古文筆畫殊異甚碑存開封文廟中

戊午汴梁旅行記

孝經殘碑一碑文橫列篆漢 隋丘盧公墓誌銘一碑文隸書凡日字均作日字迹

清昌國忠公墓誌銘一凡三行 周姜君墓誌銘一凡二行 唐康府君墓誌銘一與前碑異

君墓誌銘一凡日 唐康府君墓誌銘一凡二行 唐康府君墓誌銘一與前碑異

唐康府君墓誌銘一凡二行 唐康府君墓誌銘一與前碑異

唐康府君墓誌銘一凡二行 唐康府君墓誌銘一與前碑異

唐康府君墓誌銘一凡二行 唐康府君墓誌銘一與前碑異

唐康府君墓誌銘一凡二行 唐康府君墓誌銘一與前碑異

唐康府君墓誌銘一凡二行 唐康府君墓誌銘一與前碑異

唐康府君墓誌銘一凡二行 唐康府君墓誌銘一與前碑異

唐康府君墓誌銘一凡二行 唐康府君墓誌銘一與前碑異

唐康府君墓誌銘一凡二行 唐康府君墓誌銘一與前碑異

唐康府君墓誌銘一凡二行 唐康府君墓誌銘一與前碑異

一此碑不完全僅有二其餘碑額配合碑文均符另有碑額二無碑文可配姑藏之  
 二十二日行凡十二字  
 二十五日乘車返錫吾競志女學開學在即諸事待理征塵甫拂校務又忙矣  
 二十六日競志行寒假後始業式余宣布在汴考察及講演事並言本校本學期進行辦法內部仍由冰蘭主政外部仍由楊瀚如先生主任於是冰蘭以嚴肅勤整之演說勉勵學生久之始業式畢自二十七日起余在校一星期佈置一切並補授師範心理學高三地理中學修身偈言等十二小時檢查篋中旅行詩稿暨午作均錄出之  
 附開封幣制一覽表(七年二月調製)

**現洋**

北洋造 免換銅元一吊三百五十左右  
 袁頭新幣 紙票一吊六七百左右  
 站人兒 三種同價 制錢一吊四百左右  
 龍洋 宣統製 無省分者價同上  
 英洋 少換一二百文 有缺痕及爛印等者少換一二百文不等  
 造幣廠機器造 少換四五十文 或百文不等

成七 旅行記

七

**幣制**

**票洋**

本省票洋 豫泉 免紙票九百五十文左右  
 免銅元七百餘文  
 免制錢八百文左右  
 中國 紙票一吊二百文左右  
 制錢一吊左右  
 交通 同中國價

外省票洋 中國 紙票八九百文  
 銅元六七百文  
 制錢六七百文  
 交通 同中國價  
 紙票價于本省外省之間  
 制錢同本省外省之間

北京票洋 中國 紙票價于本省外省之間  
 制錢同本省外省之間  
 交通

**現銀** 每兩換紙票兩吊五百文左右  
 換銅元兩吊左右  
 換制錢兩吊左右

**票銀** 每兩換紙票一吊八九百文左右  
 銅元一吊五六百文左右  
 制錢一吊五六百文左右

豫泉紙票：自十文至二吊不等每百文兌銅元七枚換制錢八九十文以下類推

戊午由寧抵汴途中雨雪賦長歌以紀客况

年年行役風塵苦。繭足椎心孰為伍。俯仰大案一笑餘。屈指又逢歲在午。前宵冒雨渡江干。淋漓雜沓泥塗安。邂逅舟車片席窄。新知舊侶縱談寬。彭城戾止方夜半。歧途曲折行程判。茅店深宵滴漏殘。琴川太史青燈伴。曉起同雲四野凝。道旁蹴處凝堅冰。披裘迎風語聲咽。枵腹驚寒枯腸磨。一樽豆粥餐瓊液。客途聊以留鴻迹。隴海道長鉄轍遲。芒碭山高凍雲裂。車窗洞破風怒號。沙飛石走河流洶。雪花亂撲入窗隙。陳天公為我潤吟毫。推窗四眺野枯寂。林稍澆壑玉霏屑。轉瞬商邱轍迹停。彩旗觸目迷五色。借問此間風俗殊。朝山香火甘馳驅。圍觀輪轍詫神異。東西奔逐真頑愚。過此平疇涉柳河。天低雲合凍不波。歸閑連壤昔膏腴。民生豐歉今如何。縱有軍糈歲漫溢。蠶桑播殖孰損益。入境採風諮詢多。車中客語拓胸臆。憑吾筆舌相周旋。大梁文物燦然研。下車黠淡夕陽冷。輕拂征塵寒吮不律。剪燭寫長篇。

口占贈蘊珊表姊

戊午汴梁旅行記

一別九年幻桑海。天時人日兩模糊。披肩雨雪炎涼判。舉目河山風景殊。厲吻飢厲空競逐。傷心病馬尚馳驅。衰顏姊弟青燈話。太息今吾猶故吾。縱教歲月催人老。不盡風雲變幻多。若痛愈深真解脫。返魂都作夢婆娑。眼前景亦佳甚。世外波濤莫問何。有女且能司教釋。分承菽水慰蹉蛇。

重游大梁感賦

插脚塵寰汗漫游。幾經桑海幻春秋。看番笑逐東風去。二月寒聽汴水流。城郭依然大荒落。池亭偶作小勾留。十賢祠畔停車問。萬卷圖書借箸謀。病馬不羈氣不驕。春風虛拂路迢迢。元龍湖海尚橫溢。庾信河山慨寂寥。九載重聽師曠律。千秋悵憶信陵軺。漂搖風雨說因果。莫笑予音空自嘯。

陝警頻傳華嶽之游中阻

側身西望渺雲煙。百二雄關擬著鞭。戎馬驚驚梗函谷。猶龍悵悵隔秦川。三原鹿夢尋相逐。咫尺鴻濛策不前。陝禍起作三原獨立 違我行踪登華嶽。春風吹上最高巔。

開封車站口占示東屏表姪

模糊紫塔聳朝日名紫塔一吹拂沙塵寒曉煙小別重來母相憶東風三月寒暮天

夜宿徐州

月色昏糊中院獨步  
燭光點淡亮筆感答

南北車塵拂袖驚不堪驥足又彭城巍巍山勢雲龍望莽莽平原戎馬橫兵車路絕  
容車停止  
郊外荒祠名相重子房山有  
留侯祠橋邊隻履霸圖輕徘徊仰唱中天月黯淡無華詩思清

彭城晚行

殘月帶西墜薄寒方夜侵青燈梁苑夢絳帳故園心以魏志女學開學  
故延里佈置校務客况苦云瘁  
詩懷悲愈深曙光猶未逗顛顛付孤吟

汴梁金石玩索不釋賦二十八字

琳瑯金石六朝研隋誌唐碑數千年莫道此行無所得古香古色壓吟肩  
舟出大濱游梅園並祝榮惠生尊翁七旬紀念

斜風細雨拂輕塵洗滌湖山物候新萬樹梅花爭放處笑迎游侶祝千春

戊午汴梁旅行記

九

一棹輕波過大瀆蠡湖勝處即仙源儘教順逆隨流水來去風帆波浪痕

題亡友高仲三范晉臣詩稿後

蟬蠹凋殘故紙林鶯驚遺簡憶同岑急披朱墨付梨棗聊慰千秋死友心

續汴梁旅行記

故園七日即為未雨之謀羈旅半生敢作停雲之想矧大梁講帳且暮空懸夷門塵  
踪琴書有待是以重披風露向京口而宵征險涉波濤指浦江而曉渡過滁州之邊  
境遙餐山色於瑯琊經利國之驛場合歌大風於芒碭柳河淺水冰鎖春寒李集輕  
塵車停落日汴都重蒞倏經客路三千正谷遠瞻猶隔雄關百二屈指東風三月擬  
登嵩嶽之巔高攀鉄索千尋直上華峯之頂此私衷所計畫儘教行路之艱辛旬日  
相周旋可了譚壇之咕嗶也誌時日之荏苒程道途之短長爰作續汴梁旅行記  
三月五日由錫乘車之京口六日渡江乘津浦車夜半抵徐州七日晨天微明乘開  
徐車晚至開封住徐宅八日移居法政學校視學講習所即假法校講演是日講演

一時九日講演四時。晤卓廳長久談。偕王所長商量講演事。儘兩週內講畢。同鄉沈君乾儀來久談。晤華燕庭訪表沁川。是晚編講稿。函致各親友函片及家書七件。十日偕燕庭訪同鄉蔡韻生。並言將財政廳長頗知競志成績。已由韻生代募競志基金。允為贊助云。下午沈君乾儀邀余往單級師範講習所演說一時。蓋沈君任單級師範所長及辦理私塾改良會熱心毅力人頗佩之。是晚編講稿數頁。十一日講演四時。下午燕庭函約往談。適沈君乾儀備晚餐。邀余及尊生子立即在校中同餐。接家書及親友函。因寫覆信數函。現瀾來函云。陝行從緩。即在豫省各縣先行考察亦可。是日偕高君鎮五舒君尊生參現有五第一中學及第一師範並附屬小學。

十二日講演四時。燕庭來函將煥庭廳長贊助競志百元。蓋昨日已交蔡科長轉出。故燕庭送來也。下午聽講者三十餘人。陸續來談各縣教育狀況。共計二十七縣。余均筆錄之。有縣視學數人。欲刊友聲錄來乞并言一篇。即書數百字以遺之。是日舒

戊午年游梁旅行記

十

君北行入都。卓廳長為舒君饒行招余及子立陪餐。晚編講稿數頁。

十三日。上午講演四時。下午偕卓廳長王所長分任口試聽講員。余試聽講者三十八人。

十四日。講演及口試與昨日同。晚編講稿數頁。

十五日。上午講演。下午招各縣聽講者來談。晚編講稿數頁。

十六日。與十五日同。惟下午筆試聽講者命題。為各述聽講心得及將來辦學規畫。

十七日。閱試卷。下午視學講習所行畢業式。卓廳長致詞。辭余。偕王所長均有演說。

連日為講習所事。至為忙迫。三日未出門。商成何日。章君偕往浴華樓淨浴。地方寬。廠價亦廉。與何君談河南教育及余之教育宗旨。

十八日。閱卷畢。招聽講者來談。共計百八邑聽講者之談話。已悉百五邑之教育概況。其餘三邑則由他方面調查而知之。集百八邑士夫於一堂。晤言有得。成數千言。記載於片刻。瀏覽甚資。教育上之討探。頗形愉快。考察上之補助。至為圓滿也。往二

曾祠為吾錫圖書館贈書五種於河南圖書館得遂贈碑帖四十七種晚遷徐宅十九日偕沈何二君參觀教養局及附屬小學局設北閩內留養無業游民千餘人分竹木藤蘆棉紗工廠參觀各廠後又現蜜業作工欲登铁塔未果以塔有大藥庫為兵隊駐在禁止登塔窺探故也斜陽荆棘中有此古塔已為訪古者徘徊其下瞻建築之宏工為近代不易觀乃更有古佛銅身高且丈八尺昂藏坐鎮於一破室中旁有鉄佛六七倒卧於銅佛之足邊室外有古鉄鐘二一埋沈於地者六尺一倒卧於草間而埋於地者二尺撫摩鐘上篆文半多蝕爛約其年月為宋代之遺物參觀商業學校晚得劉書勳君正知老友沈君伯偉逝籌商恤全及圖書館管理事余即書履函并執一聯云滿地干戈脫離苦海亦云樂世年風雨隔斷嵩雲忍致辭

二十日往河南省立第一師範學校任短期之講師蓋余副平校長因二部師範生畢業在即尚有教育史論理學訓練法等未授特由陸介梅君來挽留余任課余始却之復由何君往返商榷七次仍未允繼因京函勸緩赴快覃廳長亦以留豫為然

戊午汴梁旅行記

復由陸君商定短期之約乃諾之并備余校長函定五款(一)不受約書(二)不受薪俸(三)如必欲報酬則以河南第一師範名義每月贊助無錫競志女學一百五十元(四)每週授課十五小時(五)陝亂稍靖即西行未了之課倩人代授(六)短期講授以八星期至十星期為止既任課後計所任科目為教育史論理學訓練法哲學保育法五種(保育法自編)參觀女子師範學校聞君頗愛金石藏帖甚多贈余石涼河詩帖一紙是日遷居第一師範校中晚接家書知慰女病又校中女教員王伊某為黃韞之所紹介去而就南洋爪哇教席楊瀚如君商榷代課頗資躊躇即函覆辦法更因第一月教薪未發寧款補助者未到致書寧公署汪伯軒君催之余日來心境逼窄一以校中多事隨在須亟為籌畫捐事僅得蔣煥庭廳長百元外無可與語者一以陝行暫緩考察及游歷之二目的中阻是以客况無聊率多冥想每於一室枯坐萬念俱灰時覺置身於飄渺元寂之域恍然宇宙幻漠之理準無我無人之原則焉用此形骸軀壳為更何有夫身外各種附屬品物故無物之一境特現當前即此人世一切

痛苦安知非為物所召。為人所累。為我所求。而來也。皓月凌空。霄心燈照。虛室吾獨。養吾神。此境始。但白。余當寫此作座右銘。

二十一日在校授課。對師範生。每以啟發自有能力。發展固有思想為主。授論理學。得教語。一言範。不如身範。二願終身以教育為職業。三欲研求科學。養成各種能力。非發憤修養。不足以造其極。授哲學。得教語。一哲學為理性之學。二哲學為統合精神。物質而有因果關係之科學。三博愛真理。謂之仁。率由天性。謂之道。天然之本為良知。固有之力。為良能。仁道知能。神而明之。學也。窮求宇宙真理。志會通於一心。心學即哲學。認識過去之事物。推求未來之理性。綜形上形下。而得折衷之派者。康德之哲學也。是晚編保育法定目次。為四章。曰兒童心理。曰兒童生理衛生。曰幼稚管理。曰幼稚訓練及養護。接家書。知南京因鼠疫。停止汽車。南至鎮江。北至滁縣云。

二十二日上午授課。下午參觀第二中學校及高小學校。一初小學校。四此間教育狀況。殊堪憫惻。經濟固不敷用。而人才尤為缺乏。欲謀改良。非注重師範不可。

戊午汴梁旅行記

二十三日接京電。奉天高等師範學校。招余任學監。主任事。余以豫陝之考察未畢。故快函辭之。近日偕榮陽張君潤。蒼談頗契。合且唱和詩。凡五疊原韻。意興甚暢。張君為榮陽提倡教育之先導者。既因事挫心灰。隱於汴京。教授長文學。能古琴。夜深月明。焚香獨坐。撫琴一曲。餘音琤然。殊有萬籟俱寂。孤標自高之境象。

二十四日授課畢。參觀小學二。有陸世宙者。往徐宅訪余。談教育。並問應參攷之書籍。

二十五日授課畢。參觀有五女子國民學校。開封縣立國民學校等三。

二十六日授課畢。偕沈君登鼓樓四眺。此為省城中中心高地。天晴可北望黃河。

二十七日授課畢。偕何君參觀南關外公立農業專門學校。及甲種農業學校。並游覽公園。售票每人百文。入園游覽一周。鸚鵡能言。雞鶩爭食。巧者如簧。競者粒食。蘭竹含輝。桃李鬪媚。紅橋點綴。曲水迴環。古佛之廊。琉璃滿壁。傳雲之洞。嶙峋聳前。水亭月榭。石徑花房。為官場游宴之地。則可。為社會教育之場。則不足也。晚訪燕庭及

沁川後謂蔣廳長。不過因留一駢函。以達謝忱。內有賴中郎素識。向三徑以周旋。承將伯分康。脫百金而慷慨。遂使江南女學。藉蘇湖澤之魚。汴在游踪。聊息萍蘆之駕。云云。共計三百十餘字。訪覃廳長。久談擬將赴河洛之游。請致洛陽偃師登封三縣。紹介書。訪王子立。圍棋返校已晚。

二十八日授課後。參觀小學二。往徐宅。表姊出叔方表兄書。知應王副巡閱使。秘書長之席。晚餐後。暢談客况。余任師範校課。起居飲食。均須自備。應用各品。均由徐宅送來。時往表姊處。傾談甚快。蓋表姊待余如親弟。余事表姊如嚴師。猶憶幼年問字。指導吟詩。同室相依。愛憐弱弟。今則華髮已斑。廿餘年濶別雲山。得晤談數千里外。媿媿道家鄉。傷事時而百感交集。時而一室怡然。表姪女暨表姪侍問教育。則口誦指畫。以應之。表姊嘗謂衰年姊弟。能得幾回晤言。余更自傷身世。有不勝今昔之感。表姊又嘗對冰蘭。寄來慰稿。兩兒之小影。愛撫不置。謂余曰。此吾弟半生辛苦所得之一對佳兒也。為之撫然曰。教養之責。殊不易。余奔走風塵。學校家庭。兩方面均卸。

戊午汴梁旅行記

責於冰蘭。此心頗不安。早表姊曰。弟足跡中國。過半無內顧憂者。恃冰蘭姊也。願弟漫游數載。為競志謀安貼。更為兒女謀教養。暮雲倦鳥。可以休矣。時局渺茫。正不值以千金之軀。消磨於唇焦舌敝中。求社會不可必得之俸福。余乃述近日見道語。為痛苦覺悟。修養俸福之四階級。個人則止于修養。而俸福則不敢求。蓋愈受痛苦。愈能覺悟。愈當修養。將俸福讓諸他人。待諸未來之後。人其庶幾乎。因相與慨歎不置焉。二十九日授課畢。記錄近作為一小結。束並錄各縣教育狀況。及參觀所得者於後。

京口送諒弟

一肩春雨滌征塵。衣帽淋漓說苦辛。明日渡江祝天霽。曉風楊柳浪花新。

詠鐵塔銅佛銅鐘

鐵塔孤撐雲影斷。銅鐘半沒土花鮮。昂頭古佛嫣然笑。明盡人間劫萬千。

得蔡有虔詩。廣其意。得句却寄。

山無雲嶂高難見。雲傍山高出岫多。欲識匡廬真面目。煙消日出勢嵯峨。

汴梁公園

大好園林寄眼前。游踪寂靜儘流連。入門鸚鵡學人語。繞空花枝笑客顛。石洞徑幽探邃景。迴廊佛古問何年。碧欄紅板徘徊處。漱玉峯低鏡勺泉。

白塔

白塔腰橫斷尖頭仔細看。得無猴作戲或類虎而冠。項背不相稱鬼神呵護難。夕陽斜照處遺物漸凋殘。

贈榮陽張潤蒼

張君善撫七絃琴

掀簾謁張子。四坐擁書城。小院月初霽。紙窗風細鳴琴心。儘冲穆劍氣尚縱橫。寂寂叩太素無聲勝有聲。聞得西銘隱心胸。宏斗城詩書飲風旨。瓦釜儘雷鳴壯悔行。雖阻元龍氣尚橫。靜聽師曠律神往古宮聲。光芒觸斗斗廿載。鬱豐城真蘊久相蓄。不平胡所鳴。游踪片雲寄問字。卷書橫咫尺。琴窗話愛桐。靜有聲。幾回寫璣玉片紙。亦連城萬劫不可語。孤懷偶一鳴。樹高着風勁。鳥倦礙雲橫。此境曷堪問。銷沈

戊午汴梁旅行記

萬籟聲。久晴得新雨。喜徧大梁城。霽色迎眸潤。幽禽自在鳴。客心晨爽淨。道味水渠橫。不敢拋磚引。空希金石聲。新吟快弄剪。客邸破愁城。月朗盪雲淨。天空聞鳥鳴。試將心比潔。何事劍磨橫。縱筆掀髯笑。驚聽擲地聲。

借潤蒼倡和凡五疊原韻另拈一韻再簡索和

唱和亦云樂。予懷自悄然。鄉心梗河嶽。詩思渺雲煙。滿地干戈劫。寥天鴻鵠翩。龍門歸轍後。重索錦囊篇。

題二賢遺跡圖

江建霞太史繪望嶽圖唐才帝烈士題詩三絕祝君心淵識之有年曾示余屬題今適有高華之游爰寫此以寄心洲

人生不登五嶽巔。游踪遺憾常綿綿。芒鞋踏遍萬山頂。不如五嶽真神仙。祝子偏舟過衡岳。夜深飛夢窺洞壑。醒後文通潑墨塗。巖巖山勢如瞻矚。荆川恰來窺神繪。吟毫揮灑風雲會。兩賢手澤自千秋。高拱衡峯爭藻績。超然尺幅圖嵯峨。幾多名士題詩歌。畫耶吟耶寶光溢。斗牛搖落煙雲羅。予昔漫游登泰岱。星晨手摘雲霞謎。今方策馬欲西行。嵩山華山仰蒼翠。北探恒嶽南三湘。屈指會須臨衡陽。未登絕頂先題

詠私心敬慕墨浪藉意氣共飛揚

感呈蘊珊表姊

回憶當年問字時。余幼時隨姊學詩綠窗繡罷賦新詩。花間喚月作良友。竹外迎風拜我師。書劍酸涼人事幻。風塵聚散寸心知。一番相見幾番慨。搔首華顏鬢漸絲。

河洛旅行記

梁苑兼旬借百八邑士夫商量教育春風二月正廿四番花信醞釀韶華前宵細雨迷濛征塵輕洗此日晴光明媚好景方新仰嵩嶽之崇高笑看中原逐鹿指河流之浩渺豪吟伊闕登龍問其頽之高踪訪夷齊之舊跡涉洛澗而溯宗周過滎臯而思矣漢借浪游之豫暇發思古之幽懷舉凡採摭史地博物之資俾益智識靈明之府者竹頭木屑皆當儲蓄於奚囊尺水寸山胥足涵濡夫江筆也聊成蕪語以誌萍踪作河洛旅行記

三月三十一日(即夏歷二月十九日)晨禱被登九點六分鐘汴洛車聽講生登封鄭

戊午汴梁旅行記

十五

汝息送余至車站車中遇師範生李光晉指視沿途風景道經韓莊中牟白沙三站即至鄭州一點四十四分到離省百四十里過鄭州經鐵嶺一站即至滎陽為古漢楚爭雄之地今舊跡已無稽考或謂滎澤即古滎陽因紀公墓廟均在滎澤故也過滎陽四十五里即汜水兩旁土崗甚高居民皆密居鑿王屋而為居窟穆然想見太古之遺風焉南望岡嶺連綿皆高山之脈北多平脊則邙山脈也汜水城垣自高而下其低者車中望之如在深坑中者然所謂驅車城頭過騎驢屋頂行均於今日見之矣汜水之西二里即虎牢關也過此即鞏縣境有老健坡洛水繞坡脚如束帶然過坡二十里即鞏縣車站地勢低窪洛水繞於北斷邙山而流入黃河其缺口處即洛口也昔隋煬帝聚粟於此曰洛口倉由汜水至鞏縣中經山洞八長者約半里車抵鞏縣遙望之鞏城侵入水中其地勢低窪較之汜水尤甚有洛伊二水入河處清濁異流名什谷即禹貢所謂東過洛汭也西南有夏臺為昔夏桀囚湯處過鞏三十里曰黑石關山石黑色為粘板岩層有兵工廠一設於孝義村規模宏大與上海製

造局同。車過孝義村。望之。煙由上聳。工作甚繁。用款撥自陸軍部。年出槍械不少。是處設立此廠。皆表項城之力也。李生孝義人。自黑石關下車去。自滎陽至洛陽。所過土岡深澗。到處皆是。密居之民。有內砌以磚。項蒙以板。斜撐以柱。口闔以門者。此富室也。貧室則屈居不關戶。僅障以茅。脚蔽風雨耳。山作層形狀。透層穴居。遠望之。若層樓狀。所謂甕戶甕牖若堆築者是。滎陽以西二十里有深澗。相傳為鴻溝遺址。按裴氏河海昆侖錄。指為即楚漢劉鴻溝為界之遺也。今考之滎陽滎澤間之深澗。以及鞏洛陸程經行之路。往往車行澗中。兩旁土壁高數百尺。當時東西分界。澗為南北。今則東西澗道。似與當時方向不合。姑誌之。以待考証。過里石關三十五里曰義井。舖過此數里。有古廟崇隆。森林圍拱者。即漢時白馬寺也。昔漢明帝遣蔡愔使西域。得佛典佛像。以白馬負歸。建白馬寺。此為中國第一名刹。以數千年之古建築。雖幾經劫火。而猶得令風塵過客。指點此凋殘古跡。於青蒼雲樹之間。相見當年宏制。應亦歎我佛之呵護有靈矣。車中望二百餘里之綿延山脈。皆嵩山之脈也。車行三

十里。即至洛陽。時下午四句鐘。雇車至縣署。晤嵇旨美縣長。久談。嵇雖寄籍湖州。然原籍則無錫也。故有同鄉之誼。留住聊園。縣視學郭正菴來。講習所聽。講生也。晚餐後。偕往參觀縣立高等小學。晤田校長。知此校學生百五十人。年費一千七百兩。設備上尚可現。自修即在寢室中。不合。往商務書館訪汪君未晤。返。

四月一日。偕正菴乘車往龍門。出南關二里。渡洛水。按古洛陽舊城。在洛水之東南。今城洛水之北。然則蓋名洛陰乎。過洛水三里。有汝家四寨。南行道狹。車僅單行。觀面車來。必彼此在缺口讓待。否則不得過。由此十五里。車顛簸甚。氣候熱。塵土飛揚。行殊苦也。至關林。謁關廟。有文。武行。卧四像。崇隆殿。宇義俠千秋。瞻謁之餘。有不勝景仰之思。當年曹魏雄風。今已渺焉莫覩。惟此森森古柏。萬劫不凋。雖樵夫牧豎。未有不躬拜林前者。曰此關帝陵也。是日為祀關岳日。參觀離區尚斌小學校。校即設中。因提倡校中應行祀關典禮。偕保衛團張團長久談。知此校高小學生三十六人。初小學生五十餘人。黃校長假經費有基金田畝五頃。租息年約千串。不敷五百元。